

Ecclesie prædicti Sancti Lazari jam dudum dicto Hospitali suppresso unitam, de gremio tamen post deputationem primi Rectoris Collegii erigendi ad instar nominationum, quæ a Regularibus pro assumendis Presbyteris ad animarum curam in eorum Ecclesiis Parochialibus fieri solent, & ab Ordinario loci ad eandem curam animarum exercendam approbandi, prædicta cautione quoad jam existentem Rectorem Curatum salva & illa remanente: ad hoc, ut in Collegio erigendo recipi valeant Clerici sæculares universæ Diocesis prædictæ, ad sacros Ordines promovendi, ut ipsi in illo Spiritualia exercitia antequam ad quemlibet ex sacris Ordinibus promoveantur, rite peragere valeant: quique ad Collegium, ut infra erigendum cum approbatione Episcopi seu Vicarii prædictorum admitti debeant: quique pro suis alimentis, durantibus exercitiis prædictis, ab eis suscipiendis congruam ac debitam præstationem juxta temporum opportunitatem, solvere teneantur; alii vero Clerici ex Seminarii Placentini Alumnis & Convictoribus studia Sacrarum literarum ac Theologiae theoreticæ & practicæ prosequantur, venerandosque Ritus ecclesiasticos, sacras Cœrimonias, & cantum Gregorianum sub Præceptoribus, qui sint Presbyteri sæculares in sacra Pagina, ac Verbo Dei scripto & tradito probe eruditi, perdiscant; & ipsi Clerici, hoc pacto imbuendi, ex Alumnis pro tempore existentibus dicti Seminarii, præ aliis quibuscumque selecti, gratis admittantur; atque ex Convictoribus ibidem existentibus assumendi eadem præstatione pariter frui debeant, ac sub justo annuo stipendio recipiantur: hac tamen conditione, ne Alumni & Convictores prædicti sine prævia approbatione Episcopi seu Vicarii hujusmodi in prædictum Collegium erigendum admitti possint; utque sub regimine Presbyterorum sæcularium, a dicto Julio Cardinali ejusque successoribus eligendorum & deputandorum, vivere teneantur.

§. 3. Collegio autem sic erecto & instituto pro illius, ac Clericorum in eo retinendorum, necnon Rectoris, prælectorum Magistrorum, aliorumque loci Ministrorum sustentatione omnia & singula bona, res, proprietates, & actiones, ad Hospitali suppresso, Rectoremque Curatum respectivo antea quomodolibet spectantia, tamen ab omnibus & quibuscumque oneribus & obligationibus quorumcumque piorum operum adimplendorum a pie Testantibus, aliisque Christianis prædictis causa mortis, aut in actu donationum, quæ dicuntur fieri inter vivos, quomodolibet injunctis, penitus & omnino eximentes & liberantes; illorumque omnium & singulorum fructus, redditus, & proventus, qui antea in Hospitali suppresso usum impendebantur, quique, ut accepimus, octodecim millium librarum monetæ Placentinæ valorem annum non excedunt, prædicto Julio Cardinali, sive ejus Procuratori deputando, ut bonorum, rerum, & proprietatum hujusmodi veram realem & actualem possessionem, nomine dicti Collegii apprehendere, & apprehensam retinere possit, Diocesanæ loci vel

Qui sine in Collegium recipiendi.

Alumnorum Privilegia.

Redditi assignatio.

cujusvis alterius facultate minime in his requisita, eadem auctoritate, perpetuo applicamus & appropriamus.

§. 4. Amotionem vero, suppressionem, extinctionem, erectionem, institutionem, applicationem, & appropriat onem prædictas; necnon easdem præsentis literas semper & perpetuo validas & efficaces fore & esse; & ab omnibus, ad quos spectat, observari debere; nec illas ullo unquam tempore de subreptionis vel obreptionis aut nullitatis vitio sive intentionis nostræ aut quopiam alio quantumvis substantiali defectu, etiam ex eo, quod cause, propter quas illæ emanarunt, sufficienter adductæ, examinatæ, verificatæ, & approbatæ; & quicumque in præmissis & circa ea interesse quomodolibet habentes, ad id vocati & auditi non fuerint, nec iisdem præmissis consensum suum præstiterint, notari, impugnari, retardari, invalidari, suspendi, annullari, aut ad viam & terminos juris reduci, aut adversus eas quodcumque juris aut gratiæ remedium impetrari unquam posse; nec illas sub quibusvis similibus vel dissimilibus gratiarum revocationibus, suspensionibus, limitationibus, aut aliis contrariis dispositionibus comprehendis sed semper ab illis excipi, & quoties illæ emanabunt, toties in pristinum & validissimum statum restitutas, repositas, & plenarie reintegratas, ac de novo etiam sub quacumque posteriori data quodcumque eligenda concessas, semper & perpetuo validas & efficaces fore & esse, suosque plenarios & integros effectus sortiri & obtinere. Sicque, & non alias, per quoscumque Judices ordinarios vel delegatos, quavis auctoritate fungentes, etiam Causarum Palatii Apostolici Auditores, etiam de Latere Legatos, Vicelegatos, & Sedis Apostolicæ Nuncios, & alios quoscumque quavis auctoritate, potestate, prærogativa, & privilegio fungentes, sublata eis & eorum cuilibet quavis aliter judicandi, definiendi, & interpretandi facultate & auctoritate, judicari, diffiniri, & interpretari debent; & quid quid secus super his a quoquam quavis auctoritate scienter vel ignoranter contigerit attentari, irritum & inane decernimus.

Hujusmodi decreti firmitas, & observantia.

Obstantium derogatio.

§. 5. Non obstantibus, quatenus opus sit, nostris, & Cancellariæ Apostolicæ Regulis de jure quæsito non tollendo, ac de gratiis non concedendis ad instar, & Lateranensis Concilii novissime celebrati, suppressiones perpetuas, nisi in casibus a jure permissis, fieri prohibentis, aliisque Apostolicis, etiam in Synodalibus, Provincialibus, Generalibus, Universalibusque Conciliis editis vel edendis, specialibus vel generalibus Constitutionibus & Ordinationibus, dictique Hospitalis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Hospitali, ut præfertur, suppresso, illiusque Rectori & Superioribus, aliis in contrarium præmissorum etiam pluribus concessis, approbatis, & innovatis; necnon ejusdem Hospitalis fundatione & institutione, ac piis ultimis voluntatibus prædictis, & quibuscumque contractibus.

Qui-

Quibus omnibus & singulis, etiam si pro sufficienti illorum derogatione, de illis eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes, mentio, seu quavis alia expressio servanda foret, eorum tenores his eisdem præsentibus etiam pro plene & sufficienter expressis habentes, illis aliis in suo robore permanentibus, latissime & plenissime ac specialiter & expresse motu, scientia, & potestatis plenitudine similibus, hac vice dumtaxat derogamus, & derogatum esse volumus, ceterisque contrariis quibuscumque.

Jura Card. Al. beroni concessa eius successoribus asseruntur.

§. 6. Volumus autem, ut dictus Julius Cardinalis, ejusque successores prædicti, perceptione omnium & singulorum fructuum, reddituum, & proventuum, hucusque per eundem Julium Cardinalem percipi solitorum, ac juribus, & præminentis universis, quibus ipse Julius Cardinalis hæcenus gravissimus fuit, necnon plena & omnimoda jurisdictione super Collegio, ut præfertur, erecto, frui & gaudere libere & licite possint & valeant.

§. 7. Nulli ergo omnino hominum liceat hanc paginam nostræ amotionis, suppressionis, extinctionis, erectionis, institutionis, applicationis, appropriationis, decreti, derogationis, & voluntatis, infringere, vel ei ausu temerario contraire; si quis autem hoc attentari præsumpserit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romæ apud Sanctam Mariam Majorem Anno Incarnationis Dominicæ millesimo septingentesimo trigesimo secundo, tertio Idus Julii, Pontificatus Nostri Anno Secundo.

A. Card. Pro-Datarius.
F. Card. Oliverius.

LXIX.

Dat. die 31. Julii 1732. Pont. An. III.

Confirmatur Breve Benedicti XIII. quo statuitur, ne quis Monachus Ordinis Carthusien. gratias vel officia, inconsultis ejusdem Ordinis Superioribus, ab Apostolica Sede possit impetrare.

Hanc Benedicti XIII. PP. Constitut. legere est in præcedenti Vol. num. LXXXVI. pag. 28.

CLEMENS PAPA XII.

Ad perpetuam rei memoriam.

Exordium.

EX injuncto Nobis coelitus Apostolica servitutis munere illa, quæ a Romanis Pontificibus Prædecessoribus Nostri pro felici Christianissimum, divinis obsequiis sub suavi Religionis jugo mancipatorum, statu conservando, & firmiter stabilendo pie provideque emanasse noscuntur, ut solidiori robore perennent, Apostolici muniminis præsidio, cum id a nobis petitur, libenter constabilimus.

§. 1. Alias siquidem fel. rec. Benedicto PP. XIII. Prædecessori Nostro pro parte di-

lecti filii Vincentii Dinelli Procuratoris Generalis Ordinis Carthusien. exposito, quod aliqui ipsius Ordinis Monachi, ambitionis spiritu ducti, officia dicti Ordinis ab hac Sancta Sede per importunas preces impetrare non erubescerent, cum maximo regularis disciplina detrimento, ac propterea eidem Benedicto Prædecessori pro parte dicti Vincentii Procuratoris Generalis supplicato, ut in præmissis opportune providere de benignitate Apostolica dignaretur, idem Benedictus Prædecessor incommodis, quibus ea de causa Ordo prædictus afficiebatur, obviam ire volens, hujusmodi supplicationibus inclinatus, ne de cetero perpetuis futuris temporibus quicumque dicti Ordinis Monachus a prædicta Sede quodvis officium, seu gratiam, absque speciali sive Prioris majoris Carthusiæ, vel Procuratoris Generalis pro tempore existentis ejusdem Ordinis licentia & consensu, quoquo modo impetrare posset, auderet, vel præsumeret, Apostolica auctoritate statuit & ordinavit, & alias, prout in memorati Benedicti Prædecessoris literis, desuper in simili forma Brevis die 20. Augusti 1725. expeditis, uberius continetur.

Bened. XIII. Decretum.

§. 2. Cum autem, sicut dictus Vincentius Procurator Generalis, Nobis nuper exponi fecit, ipse præmissa, quò firmiter subsistant, & inviolabili serventur, Apostolicæ confirmationis nostræ robore communiti summo per desiderio: Nos, specialem ipsi Vincentio Procuratori Generali gratiam facere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, prædictas Benedicti Prædecessoris literas, omniaque & singula in eis contenta, dicta auctoritate tenore præsentium perpetuo approbamus & confirmamus, illisque inviolabilis Apostolicæ firmitatis robur adjicimus.

A. S. D. N. Co. ait. mat. r.

Clausula.

§. 3. Decernentes, easdem præsentis literas semper firmas, validas, & efficaces existere & fore, suosque plenarios & integros effectus sortiri & obtinere; ac ab illis, ad quos spectat & pro tempore quodcumque spectabit, in omnibus & per omnia inviolabiliter observari; sicque in præmissis per quoscumque Judices ordinarios & delegatos, etiam Causarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon omnibus & singulis illis, quæ in iisdem Benedicti Prædecessoris literis concessa sunt non obstante, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die 31. Julii 1732. Pontificatus Nostri Anno Tertio.

F. Card. Oliverius.

Q

LXX. De-

Dat. die 5. Sept. 1732. Pont. An.III.

Decretum, ut in Capitulo Generali Provinciae Januensis Ordinis Fratrum Minorum Sancti Francisci de Observantia duo Vocales pro singulis Custodiis eligantur.

CLEMENS PAPA XII.

Ad futuram rei memoriam.

§.1. Exponi Nobis nuper fecerunt dilecti filii, Minister Provincialis, Custos, & Definitor Provinciae Januensis Ordinis Fratrum Minorum S. Francisci de Observantia nuncupatorum, quod cum dicta Provincia in tres Custodias, nimirum Januensem, Orientalem, & Occidentalem, divisa reperitur, jamque inde ab anno 1672. pro parte tunc existentium Fratrum ejusdem Provinciae fel. rec. Clementi PP. X. Praedecessori Nostro supplicatum fuisset, ut ad tollenda dissidia, quae tempore celebrationis Capituli Provincialis dictae Provinciae non sine fidelium scandalo inter ejusmodi Custodias oriri conlueverant, alternativam inter eas electionem Ministri Provincialis, Custodis, & Definitorum Provinciae praedictae demandare vellet, quemadmodum in altera Provincia Januensis Fratrum ejusdem Ordinis Minorum Sancti Francisci de Observantia Reformatorem nuncupatorum per quasdam rec. mem. Urbani PP. VIII. Praedecessoris quoque nostri in simili forma Brevis die 29. Maji 1643. expeditas literas praescripta & ordinata fuerat, ac idem Clemens Praedecessor instantiam ejusmodi tunc pariter existentis praedicti Ordinis apud Sedem Apostolicam Cardinalis Protectoris arbitrio remississet, ipse Cardinalis Protector decretum edidit, per quod sub certis modo & forma in eo expressis concessit, ut petita alternativa electio imposterum servari posset, quatenus primordiale Provinciae consensus in tunc proximo Capitulo Provinciali desuper accederet, & alias, prout in decreto praedicto, cujus tenorem praesentibus pro plene & sufficienter expresso haberi volumus, uberius dicitur contineri.

Alternativa in his Custodiis Officialium electio alias statuta.

Pro eadem obtinenda supplicatum mox Sanctissimo D. N.

§.2. Cum autem, sicut eadem expositio subiungebat, decretum hujusmodi haecenus executioni demandatum minime fuerit, ac interea dissidia praedicta in Capitulo Provinciali perduraverint ipsi exponentes pro publica tranquillitate sua Provinciae dictam alternativam electionem inibi stabiliri summo opere desiderant; Nobis propterea humiliter supplicari fecerunt, ut sibi in praemissis opportune providere, & ut infra, indulgere de benignitate Apostolica dignaremur. Nos igitur ipsos exponentes specialibus favoribus & gratiis prosequi volentes, eorumque singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatae existant, ad effectum praesentium dumtaxat con-

sequendum, harum serie absolventes, & absolutas fore censentes, hujusmodi supplicationibus inclinati, audito per Nos super praemissis Voto Congregationis Generalis dicti Ordinis, quod deinceps in Capitulo Provinciali primordiale Provinciae duo Vocales Definitorii Provincialis eligantur, & sint ex singulis tribus Custodiis praefatis: ex una scilicet Minister Provincialis, & Definitor: ex altera Custos, & Definitor: & ex reliqua duo Definitorum alternis vicibus, auctoritate Apostolica tenore praesentium statuimus; itant ejusmodi alternativa Electio quoad Minister Provinciale & Custodem praedictos incipere debeat ab iis Custodiis, quae in duobus Capitulis Provincialibus proxime celebratis, dictos Minister Provinciale & Custodem respective non habuerunt.

Quo pacto a S.S. provisiune

§.3. Decernentes, easdem praesentes literas semper firmas, validas, & efficaces extiteri & fore, suosque plenarios & integros effectus sortiri & obtinere; ac illis & ad quos spectat & pro tempore quancumque spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Causarum Palatii Apostolici Auditores, iudicari & definiri debere; ac irritum & inane, si secus super his a quocumque quavis auctoritate scienter vel ignoranter contigerit attentari.

Harum Literarum firmitas.

§.4. Non obstantibus Constitutionibus & Ordinationibus Apostolicis, necnon Provinciae, & Ordinis praedictorum, etiam juramento, confirmatione Apostolica, aut quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis alias in suo robore permanentis, ad praemissorum effectum hac vice dumtaxat specialiter & expresse derogamus, caeterisque contrariis quibuscumque.

Obstantium derogatio.

Datum Romae apud Sanctam Mariam Majorem sub Annulo Piscatoris die 21. Augusti 1732. Pontificatus Nostri Anno Tertio.

F. Card. Oliverius.

Dat. die 5. Sept. 1732. Pont. An.III.

Mandatum super observatione Brevis Clementis XI. circa bipartitam divisionem officiorum pro Monachis Regnorum Galliae, & Legionis Provinciarum de Campos, Congregationis Hispaniarum Ordinis Cisterciensis.

CLEMENS PAPA XII.

Ad perpetuam rei memoriam.

EX injuncto Nobis divinitus Apostolicae servitutis munere in iis, quae a Romanis Pontificibus Praedecessoribus Nostri, dirimendarum in Monasticis Congregationibus, pie sanctaeque in Ecclesia Dei institutis, extortarum litium, religiosaeque concordiae studio provide constituta sunt, ut firma semper, atque illibata persistant, jugiterque servantur, pastoralis officii nostri partes, cum a Nobis petitur, libenter interponimus.

§.1. Exponi siquidem Nobis nuper fecerunt dilecti filii Monachi Regnorum Galliae, & Legionis, ac Provinciarum de Campos, Congregationis Sancti Bernardi Hispaniae Ordinis Cisterciensis, quod cum inter eos ex una, & dilectos pariter filios Monachos Regni Toletani, aliarumque Provinciarum adjacentium ejusdem Congregationis, multiplices gravissimaeque controversiae vigerent, diuque agitatae fuissent, demum fel. rec. Clementis PP. XI. Praedecessor Noster, ejusmodi controversias et medio tollere, ac paci & tranquillitati ipsius Congregationis prospicere, volens, per quasdam suas in simili forma Brevis die 3. Octobris 1710. expeditas literas, demandavit, eandem Congregationem in duas partes dividi: quarum unam Galliae, & oriundi ex Provincia de Campos in Terris finitimis Regni Legionis: alteram vero oriundi ex Castella Nova, Asturiis, Rivogia, & locis Montaneis Burgensibus, constituerent; modumque & formam praescripsit, quibus conferenda, ac distribuenda essent officia Capitularia dictae Congregationis, aliasque saluberrimas edidit ordinationes pro felici Congregationis praefatae directione ac gubernio; injungendo, ut praemissa sic a se statuta observari deberent in quatuor Capitulis Generalibus tunc proxime celebrandis, quibus peractis perdurare deberent, si dissensiones in dicta Congregatione cessarent; sin minus, ad se seu Romanum Pontificem pro tempore existentem recursus pro nova provisione habendus foret, & alias, prout uberius continetur in ipsius Clementis Praedecessoris literis, tenoris, qui sequitur videlicet.

§.2. CLEMENS PP. XI. Ad futuram rei memoriam. (a) Sacrosancti Apostolatus officium superni dispositione consilii Nobis, nullo licet meritorum nostrorum suffragio, impositum, salubriter exequi adjuvante Domino jugiter satagentes, exorta inter Religiosos Viros, quos vota sua Altissimo in sanctitate & justitia, paceque fraterna reddere

(a) Haec Clementis PP. Literas, quamvis legi possint Tom. X. hujus Collectionis Part. I. pag. 240. ubi citantur Constitutiones ab eodem Pontifice pro hoc Ordine latae, referre hic putavi, ut Lectorem commodius instruerem, totam rei hujusce sententiam ob oculos esse oblitiscens.

Clem. PP. Literae.

Provinciae divisa a Clemente XI.

Fasti festivi.

Exordium.

debet, animorum dissidia opportunis rationibus dirimere, illiisque, ne rursus quancumque excitari valeant, ansam mature praecidere studemus, sicuti prudenti deliberatione praevia ad Omnipotentis Dei Gloriam, & animarum salutem arbitramur in Domino expedire.

§.3. Dudum siquidem, cum per tunc in humanis agentem Dionysium Montilla, Monachum Congregationis Sancti Bernardi Hispaniae Ordinis Cisterciensis, exortis gravibus controversiis inter Monachos ejusdem Congregationis, recursus ad fel. rec. Clementem PP. IX. Praedecessorem nostrum habitus fuisset; ipse Clemens Praedecessor causam controversiarum hujusmodi ad quamdam Congregationem tunc existentium S. R. E. Cardinalium, & Romanae Curiae Praelatorum, super reformatione dicti Ordinis specialiter deputatam, remisit, cui cum idem Dionysius quaedam gravamina per quosdam Monachos Manchenos & Alcarrenos, novos Castellanos nuncupatos, Monachis aliarum nationum illata exposuisset, dicta Congregatio Particularis tunc existenti Episcopo Vallisletano commisit, ut Capitulo Generali dictae Congregationis tunc proxime celebrando praesideret, & partes dissidentes concordare, ortaque differentias extinguere, satageret; ipse vero Episcopus, commisionem hujusmodi executus, Capitulo Generali interfuit; sed cum pro reconciliandis partibus, & discordiis tollendis sedulam operam navasset, nihil ad effectum perducere valuit, ex eo, quia nulla discordantium pars suis praetensionibus cedere voluit, & sic, absoluto Capitulo, praefatus Episcopus re infecta discedere coactus fuit.

Clem. IX. exposita Provinciae huiusmodi controversiae.

Particularis Congreg. examini demandata.

Concordia post hac inter Monachos interita.

A Clem. X. confirmata ad se hinc posita statuisset.

§.4. Porro, transacto anno a Capituli hujusmodi celebratione, tunc pariter existentes Generalis Reformatorem, & sex Definitorum quaedam transactionem seu concordiam, formaverunt, eamque quondam Hyacintho de Albengozar, Monacho dictae eorum Congregationis tunc in Romana Curia pro eadem Congregatione Procuratori Generali, ut illius confirmationem a Sede Apostolica obtinere curaret, transmississent; Cumque subinde praefata concordia per quasdam ejusdem Clementis Praedecessoris literas, die 14. Octobris 1669. in simili forma Brevis expeditas, confirmata fuisset, rec. mem. Clementis PP. X. idem Praedecessor Noster circa praefatas Clementis IX. Praedecessoris literas per alias binas suas die 14. Februarii, & die 24. Decembris 1671. in eadem forma Brevis expeditas literas, diversas edidit declarationes & ordinationes super aequalitate, in Abbatiis, aliisque officiis inter Monachos ex locis citra & ultra Montes, Castellam Veterem a nova separantes, sitis respective oriundos servandas nonnullaque statuit de Abbatibus immediate non reeligendis, illorumque Electionibus non amplius per Monachos Conventuales, sed in Definitorio per Generalem Reformatorem, & Definitorum, & sex Electores certa forma eligendis, praeterquam in casu mortis, renunciationis, vel privationis, & alias, prout in praefatis utriusque Clementis Praedecessorum literis, quarum tenores praesentibus haberi volumus.

Quin vena
evaderit dicta
Concordia.

volumus pro expressis, uberius continetur. Sed quia memorata transactio seu concordia ad producendam pacem & quietem in præfata Congregatione Monachorum nedum insufficientis recognita fuerat, imo potius experientia compertum extiterat, ex ea discordias, contentiones, & persecutiones in dicta Congregatione emanasse; ideoque dilecti filii Monachi Regni Gallæciæ, & de Campos, atque Terrarum Regno Legionis finitimarum, desiderantes, ut zizania, fructus bonorum operum suffocantia, tandem eradicarentur; & pax, atque mutua charitas suæ Religionis restitueretur, dilectos pariter filios Paulum Freyra, & Dionysium Ximene, Monachos expresse Professos ejusdem Congregationis, in eorum Procuratores constituerunt, illisque ad Romanam Curiam, ut opportunum ejusmodi malis remedium a Sede Apostolica obtinerent, miserunt; Cumque iidem Paulus, & Dionysius Procuratores anno 1700. rec. mem. Innocentio PP. XII. Prædecessori pariter nostro supplicem libellum super præmissis porrexissent, idem Innocentius Prædecessor eorum causam Congregationi tunc existentium S. R. E. Cardinalium, negotiis Episcoporum & Regularium præposita, commisit; ipsa vero Cardinalium Congregatio die 20. Aprilis ultimo dicti anni, cognito supradictarum literarum impedimento, rescripsit, ut ad Nos pro aperiitione oris recurrerent.

Hinc Inno-
centio XII.

Postmodum
Clementi XI.
supplicatum.

Requisitæ In-
formationes.

Causa præpo-
sita in Signa-
tura Gratiæ.

Rescriptum.

§.5. Nos autem, ut in negotio hujusmodi, quod grave satis videbatur, debita maturitate procederemus, dilecto filio nostro Francisco S. R. E. Cardinali Acquavivæ nuncupato, tunc in Hispaniarum Regnis nostro, & Apostolicæ Sedis Nuncio, scripsimus, ut super in dicto libello expositis suam Nobis transmitteret relationem; ipse vero Franciscus Cardinalis tunc Nuncius auditis Partibus, & eorum Procuratoribus in Oppido Matriti existentibus, præsertim dilecto filio Christophoro Ostorio Ex generali, præmemoratorum Pauli & Dionysii Procuratorum ex una, & dilecto etiam filio Angelo Ramirez Procuratori generali dictæ Congregationis ex altera, partibus die 23. Aprilis 1702. relationem suam super statu Religionis unâ cum punctis seu articulis, coram ipso inter dictas partes concordatis, ad nos transmisit; ex quibus satis apparebat, exposita ab eisdem Paulo & Dionysio Procuratoribus maximum habere fundamentum. Unde subinde, nempe die 28. Novembris hujus anni, prælata causa in Signatura nostra Gratiæ, coram Nobis habita, proposita, & contradicente pro parte Monachorum Castellæ Novæ, Rivogiz, Asturianorum, & Montanearum Burgentium, dilecto pariter filio Joanne Guerrero Monacho ejusdem Congregationis, qui per mandata procuræ per eum exhibita ad præfatam Curiam ab illis eorum Procuratoribus missus fuerat, de ejusdem Signaturæ voto rescripsimus, pro aperiitione oris arbitrio ejusdem Congregationis Cardinalium.

§.6. Cumque ista Cardinalium Congregatio in suis decretis super dicto arbitrio emanatis variasset, commissimus eidem Con-

gregationi Cardinalium, ut quoad aperiitionem oris cum voto Auditorii Palatii Apostolici, suffragantibus omnibus ejusdem Auditorii Cappellanis nostris, & Auditoribus, procederet; qui, rationibus a didis Paulo & Dionysio adductis moti, die 19. Novembris 1703. suum votum unâ cum decisione pro aperiitione oris, atque arbitrio publicavit; & subinde nempe die 23. Septembris 1704. eadem causa in eadem Signatura Gratiæ coram Nobis habita denuo proposita, commissimus eidem Congregationi Cardinalium, ut ipsa etiam quoad nullitatem, validitatem, vel invaliditatem bipartitæ, stabilitæ per transactionem seu concordiam a præfatis Generali & Definitoribus Generalibus contestatam, & in prædictis Clementis IX. Prædecessoris literis insertam, cum voto eorumdem Auditorum, suffragantibus pariter omnibus, similiter procederet. Dicti vero Cappellani, & Auditores die 12. Januarii 1705. demonstrantes pluribus rationibus, dictam bipartitam seu concordiam, imo transactionem, esse nullam injustam inæqualem & enormiter læsivam; die 4. Februarii ejusdem anni aliam decisionem & votum, in quo literas compulsorias a prædicto Joanne, Monachorum Castellæ Novæ, & Dionysio Procuratores, petitis negarunt, ediderunt. Postmodum autem, cum dicta bipartita nulla & injusta declarata fuisset, memorati Paulus & Dionysius Procuratores in eadem Signatura Gratiæ die 22. Septembris 1705. coram Nobis pariter habita, institerunt, ut committeremus eidem Congregationi Cardinalium, quatenus ipsa pro novo temperamento stabiliendo cum voto eorumdem Auditorum & Cappellanorum nostrorum procederet. Votum tamen prædictæ Signaturæ fuit, ut præfata causa Congregationi particulari a Nobis deputandæ, committeretur. Proposita autem prædicta causa die 4. Februarii 1707. in Congregatione nonnullorum Venerabilium Fratrum nostrorum ejusdem S. R. E. Cardinalium, per Nos specialiter deputata, non sine scissura votorum rescriptum fuit: Nobis supplicandum esse pro expeditione aliarum literarum Apostolicarum in simili forma Brevis cum sanatione nullitatis bipartitæ, aliorumque defectuum, si qui essent, reducendo vota Capitularia ad æqualitatem, etiam mediante subrogatione proximorum in defectum Graduatorum. Verum, quia defectus sanandi, detecti & publicati in decisionibus memoratorum Auditorum Cappellanorum nostrorum, enormem læsionem & injustitiam, quorum sanatio præcipue post tam longam litem, rationi & æquitati parum consona videbatur, ostendebant; Idcirco prædicti Paulus & Dionysius Procuratores, super dicta resolutione Congregationis particularis a nobis iterum audiri impetrarunt. Eadem tamen particularis Cardinalium Congregatio die 26. Junii dicti anni 1707. respondit: In-

Concordia
suprad. nulla,
læsva &c. &c.
quita.

Congr. Par-
ticularis ad
hoc deputata.

Votum.

Decisis juxta modum: Modus autem fuit, ut bipartita etiam quoad tres Præfidentias servaretur; Quodque in tribus proximis Capitulis ex illa medietate, ad Monachos nationis de Puertos a eâ nuncupat. spectan. Monachis Campefinis conferrentur septem Abbatias, ex quibus

quibus quatuor essent Matrices; Gallæcis autem sex, ex quibus tres pariter essent Matrices: & ulterius inter ipsos quolibet triennio una Præfidentia alternaretur, quibus officia Capitularia, necnon voces Capitulares tres ex quatuor partibus dictæ medietatis conferrentur dictis Monachis Gallæcis, & Campefinis, facta inter eos æquali distributione, & data dictis Monachis Campefinis, prælatione in casu numeri inequalis; ea tamen adjecta lege, ut in quolibet Capitulo tam Abbatias, quam officia hujusmodi variarentur. Reliquæ vero Abbatias, Præfidentias, officia Capitularia, & voces Capitulares inter Monachos reliquarum omnium Nationum de Puertos a eâ nuncupat. distribuuntur: Ita tamen, ut quoad Abbatias Monachi Asturiani, Rioxani, & Montanenses sex tantum haberent; Officium vero Generalatus in secundo proximo Capitulo Monacho Gallæco, vel Campefino conferretur.

Causa in Si-
gnatura Gra-
tiæ repropo-
sita.

Avocatio
Causæ ad SS.

§.7. Porro cum hæc resolutio, quæ aliquantulum læsionem temperat, eidem Monachis Campefinis & Gallæcis gravamen minime tollat, nec auferat, imo potius prædominium factionis adversæ confirmet; Idem Paulus & Dionysius Procuratores, contradicente ex adverso eodem Joanne, præfatorum Monachorum Castellæ Novæ, Rivogiz, Asturiz, & Montanearum Procuratore, denuo reclamant. Unde proposita iterum causa in eadem Signatura Gratiæ die 14. Maji 1709. coram Nobis iterum habita, Ponente dilecto pariter filio Magistro Annibale Albano, in utraque Signatura nostra Referendario, nostro secundum carnem ex Fratre germano Nepote, porrecta fuit commissio pro avocatione ad Nos dictæ causæ a dicta Congregatione particulari Cardinalium: factaque propterea tam super meritis causæ, quam super ultimo posteriori decreto, ejusdem Congregationis particularis Cardinalium edito, matura consideratione: Decretum hujusmodi, ultimo loco emanatum, præfatis Monachis Gallæcis & Campefinis læsivum, & ad sedandas factiones, pacemque in eorum Religione stabilendam insufficientem judicatum fuit; ac proinde emanavit ab eadem Signatura rescriptum: Pro avocatione ejusdem causæ ad Nos: & quod daretur resolutio in Camera. Hinc est, quod Nos tranquillitati dictæ Congregationis Monachorum in præmissis, quantum cum Domino possumus, benigne consulere cupientes, motu proprio, & ex certa scientia, & matura deliberatione nostris, deque Apostolicæ potestatis plenitudine eandem causam, ac lites, & controversias quascumque, inter Partes antedictas quomodolibet & in quacumque instantia tam in Sacro Palatii Apostolici Auditorio, quam in alio quovis Tribunali, & coram quocumque Judice pendentes, quarum omnium & singulorum statum, & merita, nominaque, & cognomina, ac qualitates Judicium, & Colligantium, & alia quæcumque, etiam specificam & individuum mentionem, & expressionem requirentia, præsentibus proplene & sufficienter expressis, & exactissime specificatis haberi volumus, in statu & terminis, in quibus de præfatis reperiuntur, a præ-

fatis, & aliis quibusvis Tribunalibus, & Judicibus ad Nos harum serie avocamus; illaque omnes & singulas supprimimus, perimus, extinguimus, & abolemus, ac perpetuum desuper utrique Parti silentium imponimus, obque ocludimus. Præterea earumdem tenore præsentium statuimus & ordinamus: Primo, quod in quatuor primis proximis Capitulis, Congregatio Cisterciensium Hispaniæ, quæ consistit in quadraginta duobus Monasteriis, nempe: decem & septem in Provincia de Campos, & Terris adjacentibus Regni Legionis; tresdecim in Regno Gallæciæ: sex in Castellæ Nova, & præfate in Regno Teleti: tribus in Asturiis, & duobus in Provincia Rioxæ; & uno in Montaneis Burgentibus, in duas partes dividatur; Unam nempe faciant Gallæci, & oriundi ex Provincia de Campos, & didis Terris adjacentibus Regni Legionis; Alteram vero oriundi ex Castellæ Nova, Asturiis, Rivogiz, & Montaneis Burgentibus; Secundo, quod inter Monachos Gallæcos ex una, & Campefinos & Terris adjacentibus Regni Legionis ex altera partibus, fiat subdivisio in duas partes: animadverso, quod censeatur & reputetur oriundus ex prædictis Terris ita divisus & subdivisus ille, qui in aliqua ex illis natus est tempore, quo ejus parentes, aut aliquis ex illis, domicilium permanens in prædictis Terris habebat: Tertio, quod omnia officia Capitularia, quorum electiones celebrantur quolibet triennio, tam intra quam extra Capitulum Generale distribuuntur æqualiter inter Monachos oriundos ex Terris ut supra divisus, itaut tot officia Capitularia habeant Religiosi oriundi ex Terris Castellæ Novæ, Asturiz, Rioxæ, & Montanearum Burgentium, quot Religiosi oriundi ex Regno Gallæciæ, & Terris Provincie de Campos, & adjacentibus Regni Legionis: alternando inter has duas partes sic divisas officium dispar, quatenus adfit, subdividendo pariter medietatem præfatorum officiorum, tangentem Monachos Gallæcos & Campefinos, in duas partes æquales, quarum una in omnibus & singulis triennio conferatur Religiosis oriundis ex Gallæcia, & altera Religiosis oriundis ex Provincia de Campos, & Terris adjacentibus, alternando inter has duas partes Monachorum sic divisas officium dispar: Quarto, quod officia Capitularia, quæ eliguntur in singulo Capitulo generali, & sunt sexdecim, nempe sex Definidores, quatuor Procuratores Generales, duo Visitatores Generales, duo Suppletors Visitatorum, unus Promotor Fiscalis, & unus Secretarius Capituli, dividantur in duas partes omnino æquales: in quarum Una ponantur tres Definidores, duo Procuratores Generales, unus Visitator Generalis, unus Suppletor, & Promotor Fiscalis; in Alia vero tres Definidores, duo Procuratores Generales, unus Visitator Generalis, unus Suppletor, & Secretarius Capituli; & inter has duas partes divisas alternetur Secretarius Capituli, & Promotor Fiscalis: ex his vero duabus partibus Unam habeant Monachi ex Castellæ Nova, Asturiis, Rioxæ, & Montaneis de Burgos: Aliam habeant Monachi ex Gallæcia,

Papæ Decretum.

Divisio Congreg. Hispaniæ in duas.

Alia subdivisio.

Officiorum distributio.

lecia, & Campos, ac Terris convicinis Regni Legionis; alteruando inter dictas duas Partes Generalatum de triennio in triennium, quod officium conferatur in primo proximo Capitulo Generali Monacho Gallico vel Campesino, sicque de triennio in triennium alternetur: Quinto, quod hæc pars, tangens Monachos ex Gallecia, & Campos cum Terris convicinis Regni Legionis, subdividatur inter Gallacos ex una, & Campesinos & circumvicinos Regni Legionis, ex alia partibus; ita tamen, ut ex Una parte ponantur duo Definitores, & unus Procurator Fiscalis ad formam alternativæ primæ divisionis: ex Alia, unus Definitor, & unus Procurator Generalis, & unus Suppletor, alternando has partes subdividas inter has Nationes quolibet Capitulo, & sic officium Generalis Reformatoris: itaut, quando Generalis Reformatior debeat eligi ex Regno Galleciae & Provinciis de Campos, pro una vice eligatur oriundus ex Regno Galleciae, & pro altera ex Provinciis de Campos & Terris circumvicinis Regni Legionis: Sexto, quod triginta octo Abbatia, quæ sunt in Religione (exclusa Palatiolensi, cujus Abbas semper est Generalis Reformatior) distinguantur in tres classes, quarum Prima sit Collegiorum, quæ sunt sex: Secunda sit Abbatiarum, quæ nuncupantur Matrices seu Monasteria, in quibus recipiuntur educanturque Novitii, & sunt viginti: Tertia Monasteriorum, in quibus non educantur Novitii, & sunt duodecim: quæ omnia per suas classes, ut supra, dividantur in duas partes omnino æquales, quarum prima contineat tria Collegia, decem Monasteria Matricia, & sex Monasteria non Matricia: Septimò, quod prædictæ triginta octo Abbatia ex unaquaque ex classibus designatis dividantur pro æquali, & Una pars, nempe, decem & novem, conferantur Monachis oriundis ex Castella Nova, Asturiis, Rioxa, & Montaneis: Alia vero Monachis oriundis ex Gallecia, Campos, & Terris circumvicinis ejusdem Regni Legionis: Octavò, quod decem & novem ex prædictis Abbatias, conferendis dictis Monachis Gallecis, Campesinis, & Terris circumvicinis memorati Regni Legionis, subdividantur in duas partes æquales, ponendo in unaquaque tot Abbatias cujuscumque classis pro qualibet parte: & una pars sic subdivisa conferatur Gallacis, altera vero Campesinis, & oriundis ex Terris circumvicinis supradicti Regni Legionis; Impar vero Monasteriorum inter ipsos alternetur: Nono, quod ex tribus Præfidentis una conferatur singulo triennio Castellanis Novis, Asturians, Rivogianis, & Montanensibus: altera Gallecis, Campesinis, & circumvicinis ejusdem Regni Legionis; tertia vero alteri ex prædictis duabus partibus, quæ Generalem non habet in triennio, conferatur: illa vero, tangens Campesinos & Gallacos, inter ipsos alternetur: Decimò, quod ex duobus Prædicatoribus Generalibus cum voto perpetuo in Capitulo, unus ex Monachis oriundis ex Castella Nova, Asturiis, Rioxa, & Montaneis; alius autem ex Gallecia, Campos, & Terris circumvicinis dicti Regni Le-

Diviso Abbatiarum.

De Præfidentibus &c.

gionis eligatur: ita tamen, ut si una vice fuerit electus Monachus oriundus ex Campos, & Terris circumvicinis supradicti Regni Legionis eligatur: Undecimo, quod duodecim Magistri & quatuor Prædicatores Jubilati antiquiores, qui habent vocem perpetuam in Capitulo Generali, dividantur in duas partes æquales, scilicet sex Magistri, & duo Prædicatores pro qualibet parte; & unam partem habeant Monachi oriundi ex Castella Nova, Asturiis, Rioxa, & Montaneis: aliam vero partem habeant Monachi oriundi ex Gallecia, Campos, & Terris circumvicinis ejusdem Regni Legionis: Hæc vero secunda medietas subdividatur æqualiter inter Gallacos, & Campesinos, nempe tres Magistri Jubilati & unus Prædicator Jubilatus pro Gallecia, & alii tres Magistri & unus Prædicator pro Campos, & Terris circumvicinis prædicti Regni Legionis; ea tamen conditione, quod si aliqua ex supradictis partibus divisis & subdivisus non habeat Magistrum Jubilatum, vel Prædicatorem Jubilatum per lecturam seu prædicationem duodecim annorum, habeat facultatem subrogandi proximiorum in exercitio lecturæ vel prædicationis: Duodecimò, quoad Monachos eligendos ad Cathedras Universitatum Capitulum & Generalis Reformatior provide attendant, ut eligantur Monachi ex omninatione juxta divisionem, & subdivisionem, ut etiam inter ipsos post jubilationem & affectuionem Cathedrarum præfixa æqualitas servetur: Decimotertiò, quod si intra triennium, facta jam electione, in Capitulo Generali, quacumque ex causa Generalatum vacare contingat, quancumque Abbatiam seu quodecumque Officium ex supradictis, in locum sic vacantem promoveri debeat, & subrogari ab iis, ad quos spectat, Monachus oriundus ex illa parte, ut supra, divisa & subdivisa, ex qua oriundus erat ille, ob cujus mortem promotionem, renunciacionem, aut privacionem, officium vacare contigerit, qui sic subrogatus exercere valeat munus suum dumtaxat ad tempus, quod supererat decedenti, renuncianti, privato, vel promoto.

§.8. Volumus autem, quod in reliquis omnibus, præsentibus nostris Ordinationibus non repugnantibus, serventur Constitutiones Ordinis, Decreta Sacrarum Congregationum, & Constitutiones Apostolicæ: utque hic modus observandi bipartitam inferatur inter Constitutiones juratas dictæ Congregationis Monachorum, & unâ cum illis legatur temporibus legi solitis in Monasteriis dictæ Congregationis, & in omnibus Capitulis generalibus, ac juretur ab omnibus Capitularibus observantia omnium prædictorum, antequam procedatur ad electiones; quod si forte aliquis jurare & observare renuerit, ejiciatur extra Capitulum, voceque activa & passiva pro eadem vice careat, sicque lis extincta remaneat.

§.9. Præterea mandamus, ut hæc provisiones nostræ in quatuor Capitulis Generalibus proximis servari debeant, illicque completis perseverent, si dissensiones cessaverint: sin minus ad Nos seu Romanum Pontificem pro-

In reliquis Ordinis Constitutionibus servandis.

De harum Literarum observantia.

tempore existentem, recursus pro nova provisione fieri debeat.

As firmiente.

§.10. Decernentes, easdem præsentibus literas semper firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab eis respective inviolabiliter observari; sicque, & non aliter, in præmissis per quoscumque Judices ordinarios & delegatos, etiam causarum Palatii Apostolici Auditores, ac S. R. E. præfate Cardinales, etiam de Latere Legatos, & Apostolicæ Sedis Nuncios, sublati eis & eorum cuilibet quavis aliter judicandi & interpretandi facultate & auctoritate, judicari & definituri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.11. Quocirca Ven. Fratri Episcopo Astoricensi, vel eo absente seu impedito, Ven. etiam Fratri Episcopo Calaguritano, per præsentibus committimus & mandamus, quatenus ipse per se, vel per alium, seu alios eadem præsentibus literas, & in eis contenta quæcumque, ubi & quando opus fuerit, & quoribus, pro parte interesse habentium, seu alicujus eorum fuerit requisitus, solemniter publicans, illisque in eisdem præmissis efficacis defensionis præsidio assistens, faciat auctoritate nostra, illos, & eorum quemlibet, præsentium literarum, & in eis contentorum hujusmodi commodo & effectu, pacifice frui & gaudere; non permittentes, illos desuper quomodolibet indebite molestari, perturbari, & inquietari; contraditores quoslibet, & rebelles per censuras & pœnas Ecclesiasticas, aliaque opportuna juris & facti remedia, appellatione postposita, compescendo, legitimisque, super his habendis, servatis processibus, censuras & pœnas ipsas etiam iteratis vicibus aggravando, invocato etiam, si opus fuerit, auxilio brachii Secularis.

§.12. Non obstantibus quoad ea, quæ præsentibus sunt contraria, præfatis utriusque Clementis Prædecessorum literis, aliisque omnibus, & singulis præmissis, & quatenus opus sit, de non tollendo jure quæsito, aliisque nostris, & Cancellariæ Apostolicæ Regulis; necnon re: me: Bonifacii PP. VIII. Prædecessoris pariter nostri de una, & Concilli Generalis de duabus dietis, dummodo ultra tres dietas, aliquis auctoritate præsentium in judicium non trahatur: aliisque Constitutionibus & Ordinationibus Apostolicis, ac, quatenus opus sit, Congregationis, & Monasteriorum, ac Ordinis hujusmodi, aliisque quibusvis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium præmissorum quomodolibet concessis, confirmatis, & innovatis. Quibus omnibus & singulis, illorum tenores præsentibus pro plene & sufficienter expressis, ac ad verbum insertis habentes, illis aliis in suo robore permanentibus, ad præmissorum effectum hac vice dumtaxat specialiter & ex-

Obstantium derogatio.

preste derogamus, cæterisque contrariis quibuscumque.

§.13. Volumus autem, ut præsentium literarum transumptis, seu exemplis sic impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides in Judicio, & extra illud adhibeatur, quæ ipsis præsentibus adhiberetur, si forent exhibitæ vel ostensæ. Datum Romæ apud Sanctam Mariam Majorem sub Annulo Piscatoris die 3. Octobris 1710. Pontificatus Nostri Anno Decimo. F. Card. Oliverius.

§.14. Ac licet pro parte dictorum Monachorum Regni Toleti, & Provinciarum adjacentium executio præfatarum literarum, aliquandiu impedita, sive retardata fuisset, subinde tamen plenarium effectum suum sortita sunt tam in Capitulo Generali ejusdem Congregationis, quod anno 1717. celebratum fuit, quam in aliis tribus subsequentibus Capitulis ejusmodi, in quibus electiones ad Abbatias, Generalatum, aliaque officia dictæ Congregationis factæ, cæteraque transacta fuerunt ea quiete, & animorum concordia, ut Monachi, ex utraque parte simul legitime congregati, semel atque iterum deliberaverint, & per secreta suffragia decreverint, bipartitam divisionem, aliaque ordinationes, in dictis Clementis Prædecessoris literis contentas, perpetuo retinendas ac servandas fore & esse, totidemque vicibus plenum Diffinitorium præfate Congregationis per geminos alios solemnes & publicos actus Procuratorem deputaverit pro impetranda ab hac Sede literarum prædictarum confirmatione & extensione in perpetuum: ingenue faciendo, rationem & normam regiminis in iis stabilitam eidem Congregationi apprime congruere, dum ita omni æquitate Prælaturæ ac munera distribuantur; & exinde, sicuti experientia edocuerat, cessaverant omnes factiones, quæ antea in dicta Congregatione dominabantur, atque præpellebant; ac tam perniciofa dissidia in eam invexerant, Religiosaque tandem pax & tranquillitas eidem Congregationi & Monachis reddita fuerat. Verum postmodum prædicti Monachi Regni Toletani, & Provinciarum adjacentium, mutato consilio, ac causari dissensiones in ipsa Congregatione nedum omnino extinctas, adeoque locum esse novæ provisioni a Sede Apostolica capiendæ juxta dispositionem eorundem Clementis prædecessoris literarum, coram tunc existente Auditore re: me: Benedicti PP. XIII. prædecessoris etiam nostri, citationem cum inserta Commissione directæ Congregationi particulari ab ipso Benedicto Prædecessore deputanda expediri curarunt, cui tamen dicti Exponentes sese opposuerunt, ac eidem Benedicto Prædecessori interim exposito, quod non solum præfata Clementis Prædecessoris literæ pacifice observate fuerant, sed insuper in Regno Galleciae, & Provinciis de Campos plusquam duæ ex tribus partibus Monasteriorum seu Conventuum præfate Congregationis reperiebantur, emanarunt die 20. Decembris 1728. a dicto Benedicto prædecessore quædam literæ, quibus

Fides transumptorum.

Quem effectum hujusmodi Clem. XI. Literæ sortite fuerant.

duæ

Alie Benedi-
cti XIII. Li-
teraz.

duæ ex tribus partibus Abbatiarum, Officio-
rum, ac Suffragiorum Capitularium ejusdem
Congregationis Exponentibus prædictis adju-
dicantur relicta eorum reliqua tertia parte
præfatis Monachis Regni Toletan. ac Pro-
vinciarum adjacentium, & aliis, prout in
ejusmodi literis, quarum tenorem præfenti-
bus pro plene & sufficienter expresse ac in-
ferro haberi volumus, latius dicitur conti-
neri.

Quid actum
in auctoritate
Capituli Ge-
nerali.

§.15. Cum autem, sicut eadem expositio
subjungebat, suspensa executione harum lite-
rarum Benedicti Prædecessoris, occasione
quinti ac novissimi Capituli Generalis dictæ
Congregationis, quæstio inter Partes excita
fuisse super modo procedendi in eodem.
Capitulo Generali, allegantibus Monachis
Regni Toletan. & Provinciarum adjacentium,
Capitulum illud celebrandum esse cum
plena votorum seu suffragiorum libertate,
abique ullo alio recursum ad Sedem Apostoli-
cam; tamen in prædictis Clementis Præde-
cessoris expresse in casu discordiæ deman-
datus fuerat: contra vero Exponentibus præ-
fatis ejusmodi literas Clementis Prædecesso-
ris observandas esse asserentibus, & si secus
fieret, de nullitate Capituli Generalis dicen-
tibus, atque ad dictam Sedem Apostolicam
provocantibus; Cumque nihilominus Capitu-
lum hujusmodi die 5. Maji 1730. nulliter ha-
bitum fuisset, ac successive ambæ Partes Se-
dem prædictam adissent, a qua Monachi Re-
gni Toletan. & Provinciarum adjacentium,
Capitulum sic celebratum confirmari, necnon
deinceps votorum seu suffragiorum libe-
rertatem concedi postularunt: ac vicissim dicti
Exponentes, Capitulum præfatum nullum
declari, ac præsertim Clementis Præde-
cessoris literas posthac quoque observari pe-
tuerunt; Nos hanc controversiam Congre-
gationi Venerabilium Fratrum Nostrorum,
S.R.E. Cardinalium, negotiis & consultatio-
nibus Episcoporum & Regularium præposito-
rum, cognoscendam remisimus, ubi inter
alia dubia inter eadem Partes concordata, &
a dicta Congregatione Cardinalium resoluta,
illo quoque proposito ac disputato: *An, &
quomodo esset providendum in futurum in ca-
su Eccl. Memorata Congregatio Cardinalium*
die 16. mensis Maji proxime præteriti,
re undique perpenfa, ac prævio maturo exa-
mine discussa, referente Ven. Fratre Nostrò
Francisco Episcopo Ostien. & Veliternen-
si S.R.E. Cardinali Barberino nuncupato,
rescripsit: Nobis consulendum, ut Clemen-
tis prædecessoris literas præfatas perpetuo
servari mandarem.

§.16. Quare dicti Exponentes Nobis hu-
militer supplicari fecerunt, ut statui ejusdem
Congregationis Monachorum opportune in-
præmissis providere, & ut infra, indulgere
de benignitate Apostolica dignaremur. Nos
igitur ipsorum Exponentium votis hac in re,
quantum cum Domino possumus, favorabili-
ter annuere cupientes, eorumque singulares
personas a quibusvis excommunicationis,
suspensionis, & interdicti, aliisque ecclesiasti-
cis sententiis, censuris, & pœnis, a jure vel
ab homine quavis occasione vel causa latis,

si quibus quomodolibet innodatæ existunt,
ad effectum præsentium dumtaxat consequen-
dum, harum serie absolventes & absolutas
fore censentes, hujusmodi supplicationibus
inclinati, de eorundem Venerabilium Fra-
trum Nostrorum S.R.E. Cardinalium, nego-
tiis & consultationibus Episcoporum & Re-
gularium præpositorum, qui die 18. mensis
Julii mox elapsi, reposita causa cum du-
bio: *An esset standum, vel recedendum a deci-
sis, quoad perpetuitatem literarum Clementis
Prædecessoris* in Decretis die 16. Maji persti-
terunt, consilio, præsertim Clementis Præde-
cessoris literas enarratas, Benedicti Præde-
cessoris literis, quas, quatenus opus sit, per
præfentes revocamus, minime obstantibus,
perpetuo servari in futurum, auctoritate Apo-
stolica harum serie præcipimus & manda-
mus; sicque & non aliter per quoscumque
Judices ordinarios & delegatos, etiam Cau-
sarium Palatii Apostolici Auditores, ac dictæ
S.R.E. Cardinales, etiam de latere Legatos,
& ejusdem Sedis Nuntios, sublata eis & eor-
um cuilibet quavis aliter iudicandi & inter-
pretandi facultate & auctoritate, iudicari &
diffiniri debere; ac irritum & inane, si secus
super his a quoquam quavis auctoritate scien-
ter vel ignoranter contigerit attentari, decer-
nimus.

§.17. Non obstantibus præmissis, ac Con-
stitutionibus & Ordinationibus Apostolicis,
necnon omnibus & singulis illis, quæ idem
Clemens Prædecessor in literis suis hujusmo-
di concessit non obstante, cæterisque contra-
riis quibuscumque.

§.18. Volumus autem, ut ipsarum præsen-
tium literarum transumptis, seu exemplis,
etiam impressis, manu alicujus Notarii publici
subscriptis, & sigillo personæ in Ecclesiastica
Dignitate constitutæ munitis, eadem prorsus
fides ubique locorum tam in iudicio
quam extra habeatur, quæ ipsis præsen-
tibus haberetur, si forent exhibitæ vel
ostensæ.

Datum Romæ apud Sanctam Mariam,
Majorem sub Annulo Piscatoris die 5. Se-
ptembris 1732. Pontificatus Nostrî Anno
Tertio.

F. Cardinalis Oliverius.

LXXII.

Confirmantur nonnulla Statuta pro meliori
regimine Provinciæ Granaten. Ordinis Fra-
trum Minorum Sancti Francisci de Obter-
vantia.

CLEMENS PAPA XII.

Ad perpetuam rei memoriam.

EXponi Nobis nuper fecit dilectus filius
Joannes de Sok, Minister Generalis Or-
dinis Fratrum Minorum S. Francisci de Ob-
tervantia nuncupatorum, quod juxta mentem
hujus S. Sedis, ac resolutionem novissimi Ca-
pituli Generalis ejusdem Ordinis in Civitate
Medio-

Clementis Li-
teras servari
præcipitur.

Obstantium
derogatio.

Fides Tran-
sumptorum.

Dat. die 10.
Sept. 1732.
Pont. An. III.

Petitia.

Decreta non-
nulla pro bo-
no Provincie
regimine.

Mediolanen. anno 1739. celebrati in Capitu-
lo Provinciali Provinciæ Granaten. dicti Or-
dinis habito die 20. Maji 1730., communi
consensu Vocalium, nemineque discrepante,
inter alia statutum fuit, ut omnes Conventus
Provinciæ præfate, nullo excepto, non nisi
Cantu Gregoriano uterentur in divinis Offi-
ciis, & Missæ Sacrificiis solemniter celebra-
ndis, duoque erigerentur, aut destinarentur
Conventus ipsius Provinciæ, in quibus Reli-
giosi Studentes post e mentem fructuose trien-
nium studii Theologiæ Moralis Prædicæ,
sicuti jam ab eadem Sede in Regnis Hispania-
rum dispositum, & a Ven. Fratre Archie-
piscopo Panormitan. tunc temporis Ministro
Generali prædicti Ordinis die 19. Februa-
rii 1727. palam indictum fuerat; sicque, &
non aliter iidem Studentes in Provinciali,
vel intermedio Capitulo dictæ Provinciæ,
prævio accurato examine, verbi Dei Prædica-
tores, & Sæcularium Confessarii institui va-
lerent; In unoquoque verò e præfatis duobus
Conventibus, hujusmodi studii destinatis,
constitui nequiret nisi unus Lector, qui antea
per aliquot annos Theologiam Scholasticam
publice ac laudabiliter legisset, vel saltem
integrum Philosophiæ cursum perfecisset;
Ac Lectores ejusmodi pro tempore existen-
tes, qui literarias exercitationes præscriptas
adimplerent, frui deberent privilegiis &
exemptionibus, quibus ipse Theologiæ
Scholasticæ Lectores gaudent, non secus, ac
si eandem Theologiam Scholasticam toto
tempore ad id definitum legissent. Præterea
in Congregatione seu Capitulo Provinciali
intermedio prædictæ Provinciæ in Civitate
Granaten. die 24. mensis Novembris proxime
præteriti peracto, omnium itidem Voca-
lium consensu & suffragio ordinatum fuit, ut
unus ejusdem Provinciæ Conventus in Semi-
nario sive Professorium institueretur ac
deputaretur, quo Clerici dictæ Provinciæ im-
mediate post emissam ab eis regularem pro-
fessionem irremissibiliter mitterentur, ibique
per unum saltem annum permanerent, lin-
guæ latinæ, & cantui Gregoriano præfato
operam navaturi; & interim omnia, quæ du-
rante anno probationis observaverant in
Claustra, tum privatis cum publicis in com-
munitate exercitiis vacando, eodem modo
facere tenerentur; utque Magister Alumno-
rum dicti Seminarii seu Professorii, qui ri-
te illos docuisset, privilegiis quoque & exem-
ptionibus Magistris Novitiorum Ordinis præ-
dicti attributis potiretur.

§.1. Cum autem, sicut eadem expositio
subjungebat, præmissa ad majorem Dei Glo-
riam, ac doctrinæ, & regularis disciplinæ in
Ordine præfato incrementum tendere digno-
ficantur, Nobis propterea ipse Joannes Mini-
ster Generalis humiliter supplicari fecit, ut
illa Apostolicæ confirmationis nostræ præsi-
dio communire, perpetuæque eorum obser-
vantia providere de benignitate Apostolica
dignaremur. Nos igitur ejusdem Joannis Mi-
nistri Generalis votis hac in re, quantum cum
Domino possumus, favorabiliter annuere vo-
lentes, eumque a quibusvis excommunicatio-
nis, suspensionis, & interdicti, aliisque

ecclesiasticis sententiis, censuris, & pœnis, a
jure vel ab homine quavis occasione vel cau-
satis, si quibus quomodolibet innodatus
existit, ad effectum præsentium dumtaxat
consequendum harum serie absolventes &
absolutum fore censentes, hujusmodi suppli-
cationibus inclinati, de Venerabilium Fra-
trum Nostrorum S.R.E. Cardinalium, nego-
tiis & consultationibus Episcoporum & Re-
gularium præpositorum, qui relationem vene-
rabilis Fratris Nostrî Episcopi Ostien. &
Veliternen. S.R.E. præfate Cardinalis Bar-
berini nuncupati sibi super præmissis factam,
necnon dilectum filium Procuratorem Gene-
ralem Ordinis prædicti audiverunt, consilio,
enunciata statuta & ordinationes auctoritate
Apostolica tenore præsentium approbamus
& confirmamus; illisque inviolabilis Aposto-
licæ firmitatis robur adjicimus, ac omnes &
singulos juris & facti defectus, si qui desu-
per quomodolibet intervenerint, supplemus:
salva tamen semper in præmissis auctori-
tate memoratæ Congregationis Cardina-
lium.

§.2. Decernentes, easdem præfentes lite-
ras firmas, validas, & efficaces existere,
& fore, suosque plenarios & integros effectus
fortiri & obtinere; ac illis, ad quos spectat &
pro tempore quocumque spectabit, in om-
bus & per omnia plenissime suffragari, &
ab eis respective inviolabiliter observari; sic-
que in præmissis per quoscumque Judices or-
dinarios & delegatos, etiam Causarum Palatii
Apostolici Auditores, ac dictæ Sedis Nun-
tios iudicari & definiti debere; ac irritum
& inane, si secus super his a quoquam quavis
auctoritate scienter vel ignoranter contigerit
attentari.

§.3. Non obstantibus præmissis, ac Con-
stitutionibus & Ordinationibus Apostolicis,
necnon, quatenus opus sit, præfatorum Or-
dinis ac Provinciæ, aliisque quibusvis, etiam
juramento, confirmatione Apostolica, vel
quavis firmitate alia roboratis statutis, &
consuetudinibus, privilegiis quoque, indultis,
& literis Apostolicis, in contrarium,
præmissorum quomodolibet concessis, con-
firmatis, & innovatis. Quibus omnibus &
singulis, illorum tenores præsentibus pro
plene & sufficienter expressis, ac ad verbum
insertis habentes, illis aliis in suo robore
permanfuris, ad præmissorum effectum hac
vice dumtaxat specialiter & expresse derogamus,
cæterisque contrariis quibuscumque.

Datum Romæ apud Sanctam Mariam,
Majorem sub annulo Piscatoris die 10. Se-
ptembris 1732. Pontificatus Nostrî Anno
Tertio.

F. Card. Oliverius.

Auctoritate
Apostolicæ
confirman-
tur.

Clausula.